



Publicaziuns dalla vischnaunca, jamna 8

Damonda da baghegiar

Nr. 2010-1007

Datum da publicaziun: ils 26 da fevrer 2010

Il patrun: Pendicularas Mustér SA, Via Acletta 2, 7180 Disentis/Mustér

Il representant: Pendicularas Mustér SA, Via Acletta 2, 7180 Disentis/Mustér

Object: Meglieraziuns da terren vid il trassé dalla pista, parcella 2541, territori da skis Cai-schavedra–Péz Ault, cordinatas 704 699/173 549, 703 334/174 177, 702 859/175 136, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 22-2-2010

Uffeci da baghegiar Disentis/Mustér

Damonda da baghegiar

Nr. 2010-1008

Datum da publicaziun: ils 26 da fevrer 2010

Il patrun: Banca Raiffeisen Cadi, Via Cons 1, 7180 Disentis/Mustér

Il representant: Stefan Coray, ing. arch. dipl. FH biro d'architectura, Via Lucmagn 4, 7180 Disentis/Mustér

Object: Spazzar il baghetg e construir in'entrada tier la piazza, parcella nr. 707, Via dalla Staziun 3, 7180 Disentis/Mustér

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 23-2-2010

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2009-1063

Heinrich Tischhauser-Berther, Burgackerstrasse 2, 9030 Abtwil SG; sanaziun dils baghetgs cun midada d'intent dil baghetg d'economia, parcella 141, Via Buretsch 15, 7186 Segnas.

Nr. 2009-1066

Banca Raiffeisen Disentis/Cadi, Via Cons 1, 7180 Disentis/Mustér; spazzar e reconstruir il baghetg annex, sanaziun parziala dil baghetg existent cun midada d'intent (biro enstagl habitaziun), parcella nr. 703, Via Cons 1, 7180 Disentis/Mustér



Nr. 2009-1070

Pendicularas Mustér SA, Via Acletta 2, 7180 Disentis/Mustér; emplenida da material ed adattaziun dalla scarpa dalla via, parcella 3012, Plaun Menisch, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Feql official dalla Surselva tier la Dertgira administrativa dil cantun Grischun.

Disentis/Mustér, ils 23-2-2010
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dalla ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2010-2002

Edgar Durschei-Keller, Via Ansauna 2, 7186 Segnas; emplenida da material sin la parcella 1185, Peisel, 7186 Segnas.

Nr. 2010-2007

Cuminonza da condomini parcella 989, Via Alpsu 9, 7180 Disentis/Mustér; sanaziun dil tetg dalla garascha, parcella 989, Via Alpsu 9, 7180 Disentis/Mustér.

Nr. 2010-2009

Vischnaunca politica, caum postal 57, 7180 Disentis/Mustér; isolar e travestgir la fatschada sid e construir in tetg sur l'entrada dil magasin, parcella 1580, Via Alpsu 71, 7180 Disentis/Mustér.

Nr. 2010-2010

Bas Eikens, Via Sogn Placi 4, 7180 Disentis/Mustér; sanaziun interna dalla casa, parcella 925, Via Sursilvana 6, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 22-2-2010
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 26 da fevrer 2010 allas 19.30 uras** en stanza da seduta el plaunterren dalla casa communal ad ina seduta.

Tractandas:

1. Protocol nr. 8-2009/2012
2. Program d'activitad 2009–2012: repassar ed adattar (controlling)
3. Collaboraziun regionala: posiziun

Il president dil cussegl da vischnaunca



Constituziun e leschas communalas ***Versiun actualisada***

Naven dall'entschatta schaner 2010 vegnan las novasleschas buca pli publicadas ella fuorma stampada (mappa blava). Perencunter ein la nova constituziun communal e tuttas leschas publicadas sin la pagina d'internet **www.disentis.ch/Servis/Spurtegl_virtual/Leschas**.

Mintga convischin ha la pussevliadad da retrer dalla administraziun communal singulas leschas grautamein. Per l'entira collecziun vegness incassau ina indemnizaziun.

Per evitar malentelgientschas, supplichein nus vischinas e vischins da prender enconuschientscha da questa midada dil sistem da publicaziuns.

Administraziun communal

Votaziuns federalas e cantunalas dils 7 da mars 2010

L'urna principala en casa communal ei aviarta sco suonda:

Venderdis 5-3-2010 16.00–17.15 uras
Sonda 6-3-2010 18.30–19.30 uras
Dumengia 7-3-2010 9.00–11.00 uras

Plinavon ei l'urna a **Segnas** aviarta sonda u dumengia **mes'ura avon il survetsch divin**.

La documentaziun per las votaziuns duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 5 da mars 2010 allas 17.00 uras** tier l'administraziun communal (tel. 081 920 36 36).

Levgiament da votar

Mintga votant(a) ha la pussevliadad da dar giu sia vusch a scret. En gliez mument sto el/ella observar il suadont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar **suttascret** en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (**supplicau da francar**) ni directamein fierer en la scaffa da brevs dalla casa communal.

Ils cedels da votar ston esser sil pli tard la sonda, ils 6 da mars 2010 allas 12.00 uras tier l'administraziun communal.

Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla. Substituziun ei buca lubida.**

Suprastonza communal Disentis/Mustér

Nova ulivaziun da finanzas (NFA)

Ils 7 da mars 2010 decida il pievel grischun sur dalla Nova ulivaziun da finanzas. Quei project preveda ina refurma fundamentala dallas relaziuns finanzialas denter il Cantun e las vischnauncas. La reglamentaziun dad oz datescha digl onn 1958 ed ei perquei en bia graus buca pli actuala ed era buca gesta. In'adattaziun da quei sistem ei necessaria. Per la vischnaunca da Mustér porta il niev sistem considerabels avantatgs. En special eis ei previu ina contribuziun cantunala da varga dus milliuns francs per reducir ils deivets dalla vischnaunca.



Sper differents auters facturs positivs ei la Nova ulivaziun da finanzas in bien agid per sanar nossas finanzas communalas.

Per quels motivs sustegnan las autoritads communalas il project dalla Nova ulivaziun da finanzas.

Suprastonza communal

Taglia da tgauns 2010

Naven d'immediat **entochen la fin fevrer 2010** san las marcas da tgauns vegnir retratgas tier l'administraziun communal.

La taglia da tgauns munta pigl emprem tgaun frs. 120.–, per mintg'ulteriur tgaun ella casada frs. 180.– per onn.

Per scadin tgaun sur treis meins che vegn tenius sin territori dalla vischnaunca ei da pagar ina taglia. Tgauns da polizia, da lavinias, per tschocs e suords ein deliberai dalla taglia, ston denton purtar la marca da tgauns.

Tgauns da pasturs ni tals ch'ei en survetsch dil puesser ein buca deliberai dalla taxa. Plinavon vegn supplicau da comunicar all'administraziun communal midadas, q.v.d. tals che han retratg 2009 ina marca da tgauns ed han **buca pli il tgaun, ni novs possessurs da tgauns.**

Tut ils tgauns che vivan en Svizra ston vegnir marcai e registrai ella datoteca dalla ANIS (mira adressa sutmenziunada).

Tgauns giuvens ston enteifer ils emprems treis meins da veta vegnir marcai cun in microchip e registrai ella datoteca. Plinavon ein ils possessurs da tgauns obligai da comunicar all'ANIS midadas d'adressa, da possessur e la mort di gl animal. Ils cuosts per la registraziun sco era per las midadas obligatorias ein da pagar entras il possessur dil tgaun.

Possessurs da tgauns ch'ei aunc buca vegni suenter a quell'obligaziun da registraziun, supplichein nus **da prender suenter quei immediat cun schar registrar lur tgaun tier l'ANIS entras in veterinari.**

Per saver retrer la marca sto il mussament dalla registraziun vegnir presentaus.

ANIS Animal Identity Service AG
Morgenstrasse 123, CH-3018 Bern
Tel. 031 371 35 30
info@anis.ch / www.anis.ch

Administraziun communal Disentis/Mustér

Declaronza da taglia 2009

L'administratiun cantunala da taglia ha tarmess tier las declaronzas da taglia per igl onn 2009. Persunas che han buca obteniu ina declaronza da taglia, ein obligadas da retrer ina declaronza tier igl uffeci da taglia communal.

Medemamein sa vegnir retratg tier igl uffeci da taglia communal ulteriurs formulars da taglia.

Ils termins per inoltrar la declaronza da taglia ein fixai sco suonda:

31 da mars 2010

Pagataglias cun activitad da gudogn dependenta, scholars, students, pensiunai, disoccupai e cuminonzas d'artavels.



30 da settember 2010

Pagataglias cun activitad da gudogn independenta, societads semplas sco era persunas domiciliadas ordeifer il cantun Grischun cun schischom en vischnaunca.

Prolungaziun dil termin:

Damondas per ina prolungaziun dil termin d'inoltrar la declaronza da taglia ein da far a scret e quei avon ch'il termin d'inoltraziun croda. La damonda ei da tschentar agl uffeci da taglia communal. Las damondas vegnan rispundidas mo sche quellas san buca vegnir risguardadas.

Suttascripziuns dils conjugals: Conjugals che vivan giuridicamein ed effectivamein en ina lètg nun-separada ein suttamess communablamein alla taglia. Omisdus conjugals ein obligai da suttascriver la declaronza da taglia. Sche la declaronza da taglia ei suttascretta mo d'in conjugal, survegn l'auter conjugal in termin. Suenter la scadenza da quei termin vegn supponiu la representaziun cun contract denter ils conjugals.

Per ulteriuras damondas stein nus bugen a Vossa disposiziun.

Uffeci da taglia Disentis/Mustér

Rimnada da folias da silo

Mira sut la rubrica dalla Regiun Surselva.

Uniun da dunnas Mustér

Invitaziun alla radunonza generala

Mardis, ils 2 da mars 2010 allas 20.00 uras el hotel Alpsu, Mustér.

Tractandas:

1. Elecziun dumbravuschs
2. Approbaziun dil protocol dils 13-3-2009
3. a) Rapport annual
b) Rapport dalla sutgruppa mummas cun affons pigns
4. Rendaquen e rapport dallas revisuras da quen
5. a) Program annual
b) Program annual sutgruppa mummas cun affons pigns
6. Elecziuns
7. Fiera da Nadal
8. Varia

Sco usitau vegn purschiu ina pintga tscheina.

Naven dallas 19.30 uras sa vegnir priu investa dil protocol dalla davosa radunonza generala.

Era novas commembras ei beinvegnidas. Selegrond sin stedia participaziun salida cordialmein

en num dalla suprastonza

la presidenta: Fabiana Candinas

Uniun da dunnas Mustér

Mummas cun affons pigns

Preavis:

Fiera da resti d'affons a Mustér cun stiva da caffè

Venderdis, ils 19 da mars 2010 dallas 19.00–21.00 uras

Sonda, ils 20 da mars 2010 dallas 9.00–10.30 uras



Voranzeige:

Kinderkleiderbörse in Disentis mit Kaffeestube

Freitag, 27. März 2010 von 19.00–21.00 Uhr
Samstag, 28. März 2010 von 9.00–10.30 Uhr

Nus selegrein sin Vossa viseta.
Mummas cun affons pigns Mustér

Beach Sport Plaun Petschen, Cumpadials

L'Uniun da cultura e sport Cumpadials ha instradau l'idea da realisar a Plaun Petschen, Cumpadials, in plaz da sport sil sablun. Quei plaz duei esser multifars per differents sports (ballareit, ballapei, badminton, ulteriuras activitads sportivas sco era per termagliar per l'entira famiglia).

Per la realisaziun ed il menaschi dil plaz vegn fundau ina nova uniun. La fundaziun dall'uniun ha liug

sonda, ils 13 da mars 2010 allas 20.00 uras ell'ustria dalla Staziun a Sumvitg/Cumpadials.

Tut ils interessents ed amitgs dil sport dalla regiun (seigi quei persunas che vulan separticipar activamein ni era mo sco commembers passivs) ein cordialmein beinvegni a quella sera d'informaziun e fundaziun dall'uniun.

Persunas che san buca prender part quella sera mo han denton tuttina interess san s'annunziar tier:

Lucas Tuor, lucas.tuor@bluewin.ch, 079 759 32 22
Gion Michel Flepp, info@gmflepp.ch, 079 675 81 71

Fagess plascher da s'entupar cun biars amitgs dil sport.

Cordialmein envidan
ils iniziants: Lucas Tuor e Gion Michel Flepp

**Cerchel da praulas
«Il giavel culs 3 cavels d'aur»**

Il cerchel da praulas envida **venderdis, ils 26 da fevrer 2010** allas 20.15 uras en Casa Cumin, sala da Dertgira a Mustér ad ina sera da praulas e discussiun.

**Uniun da pescadurs Mustér
Invitaziun alla radunonza generala**

Sonda, ils 13 da mars allas 20.15 uras el hotel Sax.

Tractandas:

1. Elecziun d'in dumbravuschs
2. Approbaziun dil protocol
3. Rendaquen
4. Rapport dils revisurs
5. Rapport annual dil president
6. Elecziun pil cuoz da dus onns:
 - a) suprastonza
 - b) revisur da quen



7. Pesca communabla
8. Program da lavur pigl onn 2010
9. Fixaziun dalla contribuziun annuala
10. Commembers novs, abdicaziuns
11. Honoraziuns
12. Varia

Suenter la radunonza vegn offeriu in pign puschegn.

Sperond sin ina participaziun cumpleina salida Vus
la suprastonza

Uniun samaritana Mustér

Exercezi regional dallas uniuns samaritanas Tujetsch, Medel e Mustér a Sedrun (contuorn dalla plazza da glatsch) **gliendisdis, ils 8 da mars 2010. L'Uniun samaritana Mustér serimna allas 18.40 uras avon halla Cons.**

Equipament: resti cauld, buns calzers e cazzola da maun.

Igl exercezi ha liug da tutt'aura.

Suenter igl exercezi vegn purschiu a tuts participonts in pign refrestg ell'ustria dalla staziun.

Sperond sin ina stedia participaziun salida cordialmein
la presidenta

Cuors agid d'urgenza

L' Uniun samaritana Mustér organisescha in cuors agid d'urgenza tenor las directivas SSB.

Datum:

venderdis, ils 19 da mars, 19.30–21.30

sonda, ils 20 da mars, 8.00–12.00 / 14.00–18.00

Liug: Casa da scola, Mustér

Annunzias: Ein da far entochen ils **10 da mars 2010** tier: Yvonne Flepp, tel. 081 947 50 35
e-mail: yvonne.flepp@kns.ch

Colonna d'agid Mustér

Invitaziun al proxim exercezi

Datum: Mesjamna, ils 3 da mars 2010

temps: allas 20.00 uras

Tema: Improvisaziuns

Liug: Halla da reiver el Center da sport e cultura Mustér

Il parsura: Alexi Dermon



Seras da dar troccas per in e scadin

Invitaziun per in e scadin(a) allas sera da dar troccas.

Novizs ein cordialmein beinvegni, ei dat era la caschun d'emprender da dar troccas. La seras ein gratuitas.

Mardis, ils 2 da mars 2010 hotel Sax
Mardis, ils 9 da mars 2010 hotel Cucagna
Madis, ils 16 da mars 2010 hotel Furka
Mardis, ils 23 da mars 2010 hotel Sax
Mardis, ils 30 da mars 2010 hotel Furka

mintgamai allas 19.30 uras

Cordialmein envidan
Gion Michel Flepp, Romeo e Marco Schmed

Ludoteca Mustér

Liug/Ort: Halla Cons, tel. 076 494 39 92

e-mail: ludoteca@disentis.ch

Uras d'avertura / Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Vies team dalla ludoteca

Biblioteca populara, Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras
Mardis 13.30–15.00 uras
Gievgia 16.00–17.30 uras
Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér